



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Bosna i Hercegovina
Federacija Bosne i Hercegovine
KANTON SARAJEVO

Broj: 01-9-02-2-2227/23
Sarajevo, 22-05-2023 .godine

PRIMLJENO: 23-05-2023			
Organizaciona jedinica	Klasifikaciona oznaka	Broj prijave	Broj prijave
15	04	9182-2	

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničku inicijativu zastupnika Marjanović Damira-dostavlja se;

Zastupnik Damir Marjanović je na Sedmoj radnoj sjednici Skupštine Kantona Sarajevo podnio inicijativu da Ministarstvo unutrašnjih poslova Kantona Sarajevo izradi digitalnu brošuru o načinu postupanja stanovnika Kantona Sarajevo u slučaju otuđenja ili gubitka lične dokumentacije na prostoru van Bosne i Hercegovine.

Obavještavamo Vas da je ovo Ministarstvo pripremilo i objavilo na web stranici Ministarstva smjernice kako će građani postupati u slučaju gubitka lične karte, putne isprave i vozačke dozvole u Bosni i Hercegovini i u inostranstvu. Ministarstvo će i putem medija upoznati građane s navedenim smjernicama, koje u prilogu akta dostavljamo u skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16).

S poštovanjem,

Prilog:

- Akt MUP-a broj:05-1-02-2-2313/23 od 08.05.2023. godine;
- CD x1.



Dostaviti:

1. Naslovu;
2. Stručna služba Vlade Kantona Sarajevo;
3. Za objavu na WEB stranici MUP-a;
3. a/a.



Adresa: Sarajevo, La Benevolencija 16
Tel: + 387 (0)33 286-701, 286-702,
Fax: + 387 (0)33 226-445
Web: <http://mup.ks.gov.ba>, Email: ministar@mup.ks.gov.ba



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 05-1-02-2-2313
Sarajevo, 08.05.2023. godine

MINISTARSTVO UNUTRAŠNJIH POSLOVA

Ministru - za informaciju
Sekretaru ✓

PREDMET: Zastupnička inicijativa - Brošura o načinu postupanja stanovnika Kantona Sarajevo u slučaju otuđenja ili gubitka lične dokumentacije, dostavlja se;

VEZA: Vaš akt broj 01-9-02-2-2227/23 od 25.04.2023. godine, naš akt broj 05-1-02-2-2313 od 03.05.2023. godine;

Poštovani,


Vašim aktom, broj i datum veze, dostavljena je zastupnička inicijativa prof. dr. Damira Marjanovića za izradu brošure o načinu postupanja stanovnika Kantona Sarajevo u slučaju otuđenja ili gubitka lične dokumentacije.

U prilogu akta dostavljamo Vam sadržaj smjernica za građane u slučaju otuđenja ili gubitka lične dokumentacije.

Obzirom na moderne trendove u dizajnu sadržaja koji objavljuje Ministarstvo unutrašnjih poslova Kantona Sarajevo, smatramo da je sadržaj potrebno dodatno grafički obogatiti (obraditi dostavljeni materijal grafički za potrebe objave).

S poštovanjem,

Prilog: Kao u tekstu;



Dostavljeno:

1. Naslovu;
2. r/r.



Adresa: Sarajevo, La Benevolencije br.16

Tel: + 387(0)33 286-769, 286-768

Fax: + 387(0)33 611-676

Web: <http://mup.ks.gov.ba>, Email: upravagradjanskastanja@mup.ks.gov.ba

1/1

LIČNA KARTA

U BOSNI I HERCEGOVINI:

U slučaju gubitka, krađe, uništenja ili nestanka lične karte u Bosni i Hercegovini, državljani Bosne i Hercegovine dužni su:

1. Gubitak, krađu, uništenje ili nestanak lične karte prijaviti najbližem policijskom organu u mjestu gdje je lična karta izgubljena, ukradena, uništena ili nestala a ukoliko državljanin Bosne i Hercegovine ne zna gdje je izgubio ličnu kartu ili gdje je ista nestala prijavljuje gubitak u policijskom organu u mjestu prijavljenog prebivališta.
2. Policijski organ koji je primio prijavu, izdaje potvrdu o prijemu prijave gubitka, krađe, uništenja ili nestanka lične karte.
3. Državljanin Bosne i Hercegovine sa potvrdom o prijavi gubitka lične karte u roku od 30 dana od dana prijave gubitka i obrascem LK-OI-4 koji pribavlja na lokaciji za izdavanje ličnih dokumenta u mjestu prijavljenog prebivališta podnosi zahtjev za donošenje rješenja o poništenju lične karte na propisanom obrascu: MP-7 OBR.BR.5. Obrazac je moguće preuzeti u prostorijama Sektora za građanska stanja u mjestu prijavljenog prebivališta ili na internet prezentaciji Ministarstva unutrašnjih poslova Kantona Sarajevo, odnosno na sljedećem linku: https://mup.ks.gov.ba/sites/mup.ks.gov.ba/files/iso_standard_-_zahtjev_za_ponistenje_lk_up_5.pdf
4. Nakon preuzimanja rješenja o poništenju lične karte, državljanin Bosne i Hercegovine, pribavlja izvod iz matične knjige rođenih (tzv. rodni list) i uvjerenje o državljanstvu u nadležnoj službi Općine u mjestu rođenja, a ukoliko je mjesto rođenja na području entiteta Federacija Bosne i Hercegovine i upis u matičnu knjigu rođenih verifikovan od strane matičara, izvod iz matične knjige rođenih i uvjerenje o državljanstvu moguće je preuzeti u nadležnoj općinskoj službi u mjestu prebivališta. Navedeno je primjenjivo i za državljane Bosne i Hercegovine upisane u matičnu knjigu rođenih i knjigu državljana na području entiteta Republika Srpska, uz napomenu da izvod iz matične knjige rođenih i uvjerenje o državljanstvu, ukoliko su upisi verificirani, državljani mogu preuzeti u najbližoj općini na području entiteta Republika Srpska.
5. Sa pribavljenom dokumentacijom državljanin se obraća lokaciji za izdavanje ličnih dokumenata u mjestu prijavljenog prebivališta i podnosi zahtjev za izdavanje nove lične karte u skladu sa važećim propisima.
6. Ako državljanin kome je iz razloga gubitka, krađe, uništenja ili nestanka izdata nova lična karta, naknadno dođe u posjed ranije izdate lične karte, dužan je da tu ličnu kartu odmah preda najbližem Ministarstvu unutrašnjih poslova u Bosni i Hercegovini.

U INOZEMSTVU:

U slučaju gubitka, krađe, uništenja ili nestanka lične karte u inozemstvu, državljani Bosne i Hercegovine dužni su:

1. Gubitak, krađu, uništenje ili nestanak lične karte prijaviti najbližem policijskom organu u mjestu gdje je lična karta izgubljena, ukradena, uništena ili nestala a ukoliko državljanin Bosne i Hercegovine ne zna gdje je izgubio ličnu kartu ili gdje je ista nestala prijavljuje gubitak u policijskom organu u mjestu prijavljenog prebivališta.
2. Policijski organ koji je primio prijavu, izdaje potvrdu o prijemu prijave gubitka, krađe, uništenja ili nestanka lične karte.
3. Ukoliko je lična karta potrebna za prelazak državne granice (Nestanak dokumenta se desio na području Republike Srbije, Crne Gore, Republike Sjeverne Makedonije i Republike Albanije) državljanin Bosne i Hercegovine, dužan je prijaviti gubitak lične karte najbližem Diplomatsko-konzularnom predstavništvu Bosne i Hercegovine u toj državi. Kontakt podatke Diplomatsko konzularnih predstavništava moguće je pronaći na internet prezentaciji Ministarstva vanjskih poslova Bosne i Hercegovine, odnosno na sljedećem linku:



Adresa: Sarajevo, La Benevolencije 16
Tel: + 387 (0)33 286-701, 286-702,
Fax: + 387 (0)33 226-445
Web: <http://mup.ks.gov.ba>, Email: ministar@mup.ks.gov.ba

https://mvp.gov.ba/ambasade_konzulati_misije/ambasade_konzulati_i_stalne_misije_bih/Default.aspx

Kontakt podaci Diplomatsko konzularnih predstavništava Bosne i Hercegovine za navedene države, koji su dostupni na internet prezentaciji Ministarstva vanjskih poslova u trenutku kada su sačinjene ove smjernice su:

Republika SRBIJA Ambasador BiH Nj. E. mr.sci. g-đa **Aida Smajić**

Generala Anrija 37, 11000 Beograd, Srbija

+ (381 11) 324 11 70 + (381 11) 324 10 95 + (381 11) 324 10 57

Amb.Beograd@mvp.gov.ba

Radno vrijeme: Ponedjeljak - petak, - , GMT +01:00

Konzularno odjeljenje

Generala Anrija 37, 11000 Beograd, Srbija

+ (381 11) 303 82 04 + (381 11) 324 10 57

Radno vrijeme: Ponedjeljak - petak, - **Telefonski kontakt i rad sa strankama:** Ponedjeljak - petak, 10:00 - 14:00

CRNA GORA Ambasador BiH Nj. E. g-din **Branimir JUKIĆ**

Atinska 58, 81000 Podgorica

+ (382 20) 618 105 + (382 20) 618 016
+ (382 20) 618 136

www.ambasadabih.me

Radno vrijeme: Ponedjeljak - petak, 09:00 - 17:00, GMT +01:00

REPUBLIKA SJEVERNA MAKEDONIJA Ambasador BiH Nj. E. g-din **Dragan Jaćimović**

20-ti Oktomvri br. 15, 1000 Skoplje, Republika Sjeverna Makedonija

+389 2 30 86 216 +389 2 30 86 221

skopje@ambasadabih.org.mk www.ambasadabih.org.mk

Radno vrijeme: Ponedjeljak - petak, 08:30 do 16:30, GMT+01:00

Konzularni odjel

+389 2 31 20 697

Rad sa strankama: Ponedjeljak, utorak, srijeda i četvrtak, 09:00 - 12:00

Republika ALBANIJA Nj. E. **Nusret Čančar**, nerezidentni ambasador

Musala 2, Sarajevo, Bosna i Hercegovina

+ (387 33) 281 237 + (387 33) 281 156



Adresa: Sarajevo, La Benevolencije 16
Tel: + 387 (0)33 286-701, 286-702,
Fax: + 387 (0)33 226-445
Web: <http://mup.ks.gov.ba>, Email: ministar@mup.ks.gov.ba

nusret.cancar@mvp.gov.ba

Radno vrijeme: Ponedjeljak - petak, 09:00 - 17:00, GMT +01:00

Republika ALBANIJA - Počasni konzulat - podaci prikupljeni sa
<https://dijaspora.mhrr.gov.ba/adresar/republika-albanija-pocasni-konzulat/>

Qendra e Biznesit „EGT“ L. 3 Rr. „Mbreti Monun“, Durres – Drač, Albania, Drač

+ (355) 571 224 71

+ (355) 522 214 20

figiriklari@gmail.com

4. Diplomatsko konzularna predstavništva Bosne i Hercegovine u navedenim državama izdaju dokumente potrebne za prelazak državnih granica od strane državljana Bosne i Hercegovine u cilju vraćanja u Bosnu i Hercegovinu.
5. Nakon povratka u Bosnu i Hercegovinu državljanin Bosne i Hercegovine sa pribavljenom dokumentacijom i obrascem LK-OI-4 koji pribavlja na lokaciji za izdavanje ličnih dokumenta u mjestu prijavljenog prebivališta podnosi zahtjev za donošenje rješenja o poništenju lične karte na propisanom obrascu: MP-7 OBR.BR.5. Obrazac je moguće preuzeti u prostorijama Sektora za građanska stanja u mjestu prijavljenog prebivališta ili na internet prezentaciji Ministarstva unutrašnjih poslova Kantona Sarajevo, odnosno na sljedećem linku:
[https://mup.ks.gov.ba/sites/mup.ks.gov.ba/files/iso_standard - zahtjev za ponistenje lk up 5.pdf](https://mup.ks.gov.ba/sites/mup.ks.gov.ba/files/iso_standard_-_zahtjev_za_ponistenje_lk_up_5.pdf)
6. Nakon preuzimanja rješenja o poništenju lične karte, državljanin Bosne i Hercegovine, pribavlja izvod iz matične knjige rođenih (tzv. rodni list) i uvjerenje o državljanstvu u nadležnoj službi Općine u mjestu rođenja, a ukoliko je mjesto rođenja na području entiteta Federacija Bosne i Hercegovine i upis u matičnu knjigu rođenih verifikovan od strane matičara, izvod iz matične knjige rođenih i uvjerenje o državljanstvu moguće je preuzeti u nadležnoj općinskoj službi u mjestu prebivališta. Navedeno je primjenjivo i za državljane Bosne i Hercegovine upisane u matičnu knjigu rođenih i knjigu državljana na području entiteta Republika Srpska, uz napomenu da izvod iz matične knjige rođenih i uvjerenje o državljanstvu, ukoliko su upisi verificirani, državljani mogu preuzeti u najbližoj općini na području entiteta Republika Srpska.
7. Sa pribavljenom dokumentacijom državljanin se obraća lokaciji za izdavanje ličnih dokumenata u mjestu prijavljenog prebivališta i podnosi zahtjev za izdavanje nove lične karte u skladu sa važećim propisima.
8. Ako državljanin kome je iz razloga gubitka, krađe, uništenja ili nestanka izdata nova lična karta, naknadno dođe u posjed ranije izdate lične karte, dužan je da tu ličnu kartu odmah preda najbližem Ministarstvu unutrašnjih poslova u Bosni i Hercegovini.

Napominjemo da sistem izdavanja ličnih karti posredstvom diplomatsko konzularnih predstavništava Bosne i Hercegovine u inozemstvu nikada nije omogućen od strane nadležnog Ministarstva civilnih poslova Bosne i Hercegovine iz tehničkih razloga, te po navedenim zahtjevima nije moguće postupati.



Adresa: Sarajevo, La Benevolencije 16
Tel: + 387 (0)33 286-701, 286-702,
Fax: + 387 (0)33 226-445
Web: <http://mup.ks.gov.ba>, Email: ministar@mup.ks.gov.ba

PUTNA ISPRAVA

U BOSNI I HERCEGOVINI:

U slučaju gubitka, krađe ili uništenja važeće putne isprave u Bosni i Hercegovini, državljani Bosne i Hercegovine dužni su:

1. Gubitak, krađu ili uništenje važeće putne isprave prijaviti najbližem policijskom organu na teritoriji na kojoj je putna isprava izgubljena, ukradena ili uništena na obrascu GPI-1, koji će dobiti kod nadležnog policijskog organa.
2. Policijski organ kojem je prijavljen nestanak važeće putne isprave dostavlja obrazac GPI -1 organu koji je izdao putnu ispravu, nakon čega nadležni organ (Sektor putnih isprava MUP-a KS), u zakonskom roku donosi rješenje o proglašavanju putne isprave nevažećom.
3. Podnosilac prijave nestanka pasoša je dužan preuzeti rješenje u Sektoru putnih isprava, Uprave za građanska stanja i pravne poslove, na adresi Zmaja od Bosne broj 15, 71000 Sarajevo, nakon čega će dobiti dalje upute o oglašavanju u službenom glasniku BiH i Službenim novinama F BiH.
4. Nakon provedenog postupka, stranka može podnijeti zahtjev za izdavanje nove putne isprave.
5. Ako državljanin kome je iz razloga nestanka izdata nova putna isprava, naknadno dođe u posjed ranije izdate putne isprave, dužan je da tu putnu ispravu odmah preda najbližem Ministarstvu unutrašnjih poslova u Bosni i Hercegovini.

U INOZEMSTVU:

U slučaju gubitka, krađe ili uništenja važeće putne isprave u inozemstvu, državljani Bosne i Hercegovine dužni su:

1. Gubitak, krađu ili uništenje važeće putne isprave prijaviti najbližem policijskom organu u mjestu gdje je putna isprava izgubljena, ukradena ili uništena.
2. Nadležni policijski organ u inozemstvu dužan je izdati potvrdu o prijemu izjave, odnosno o datoj izjavi o okolnostima gubitka, krađe ili uništenja putne isprave Bosne i Hercegovine.
3. Sa preuzetom potvrdom državljanin Bosne i Hercegovine prijavljuje gubitak, uništenje ili krađu važeće putne isprave Bosne i Hercegovine, najbližem Diplomatsko konzularnom predstavništvu Bosne i Hercegovine na obrascu GPI-2. Kontakt podatke Diplomatsko konzularnih predstavništava moguće je pronaći na internet prezentaciji Ministarstva vanjskih poslova Bosne i Hercegovine, odnosno na sljedećem linku: https://mvp.gov.ba/ambasade_konzulati_misije/ambasade_konzulati_i_stalne_misije_bih/Default.aspx
4. Diplomatsko konzularna predstavništva Bosne i Hercegovine popunjavaju obrazac GPI- 2 u prisustvu nosioca putne isprave i obavještavaju nadležni organ koji je izdao putnu ispravu o gubitku putne isprave, da bi nadležni organ mogao provesti proceduru proglašavanja putne isprave nevažećom.
5. Diplomatsko-konzularna predstavništva izdaju državljanima BiH dokumente (putni list ili putnu ispravu) potrebne za prelazak državnih granica.
6. Ako državljanin kome je iz razloga nestanka izdata nova putna isprava, naknadno dođe u posjed ranije izdate putne isprave, dužan je da tu putnu ispravu odmah preda najbližem Diplomatsko konzularnom predstavništvu Bosne i Hercegovine u inostranstvu ili Ministarstvu unutrašnjih poslova u Bosni i Hercegovini.



VOZAČKA DOZVOLA

U BOSNI I HERCEGOVINI:

U slučaju nestanka vozačke dozvole u Bosni i Hercegovini, državljani Bosne i Hercegovine dužni su:

1. Nestanak vozačke dozvole prijaviti najbližem policijskom organu u mjestu gdje je vozačka dozvola nestala a ukoliko državljanin Bosne i Hercegovine ne zna u kojem mjestu je došlo do nestanka vozačke dozvole prijavljuje gubitak u policijskom organu u mjestu prijavljenog prebivališta.
2. Policijski organ koji je primio prijavu, izdaje potvrdu o prijemu prijave nestanka vozačke dozvole.
3. Državljanin Bosne i Hercegovine sa potvrdom o prijavi nestanka vozačke dozvole i podacima o serijskom broju nestale vozačke dozvole podnosi zahtjev za objavu nestanka vozačke dozvole Službenom glasniku Bosne i Hercegovine, na adresi Službeni list Bosne i Hercegovine, Džemala Bijedića broj 39, 71000 Sarajevo, 3 sprat.
4. Sa primjerkom potvrde o prijavi nestanka vozačke dozvole i potvrde o objavi nestanka vozačke dozvole u Službenom glasniku Bosne i Hercegovine državljanin Bosne i Hercegovine podnosi zahtjev za donošenje rješenja o poništenju vozačke dozvole na propisanom obrascu: MP-7 OBR.BR.7. Obrazac je moguće preuzeti u prostorijama Sektora za građanska stanja u mjestu izdavanja vozačke dozvole ili na internet prezentaciji Ministarstva unutrašnjih poslova Kantona Sarajevo, odnosno na sljedećem linku:
https://mup.ks.gov.ba/sites/mup.ks.gov.ba/files/iso_standard_-_zahtjev_za_ponistenje_vd_up_7.pdf
5. Nakon preuzimanja rješenja o poništenju vozačke dozvole, državljanin Bosne i Hercegovine sa primjerkom rješenja državljanin se obraća lokaciji za izdavanje ličnih dokumenata u mjestu prijavljenog prebivališta i podnosi zahtjev za zamjenu vozačke dozvole u skladu sa važećim propisima.
6. Ako državljanin kome je iz razloga nestanka izdata nova vozačka dozvola, naknadno dođe u posjed ranije izdate vozačke dozvole, dužan je da tu vozačku dozvolu odmah preda najbližem Ministarstvu unutrašnjih poslova u Bosni i Hercegovini.

U INOZEMSTVU:

U slučaju nestanka vozačke dozvole u inozemstvu, državljani Bosne i Hercegovine dužni su:

1. Nestanak vozačke dozvole prijaviti najbližem policijskom organu u mjestu gdje je vozačka dozvola nestala a ukoliko državljanin Bosne i Hercegovine ne zna gdje je gdje je došlo do nestanka vozačke dozvole prijavljuje gubitak policijskom organu u mjestu koje mu najviše odgovara.
2. Policijski organ koji je primio prijavu, izdaje potvrdu o prijemu prijave nestanka vozačke dozvole.
3. Nakon povratka u Bosnu i Hercegovinu državljanin Bosne i Hercegovine sa potvrdom o prijavi nestanka vozačke dozvole i podacima o serijskom broju nestale vozačke dozvole podnosi zahtjev za objavu nestanka vozačke dozvole Službenom glasniku Bosne i Hercegovine, na adresi Službeni list Bosne i Hercegovine, Džemala Bijedića broj 39, 71000 Sarajevo, 3 sprat.
4. Sa primjerkom potvrde o prijavi nestanka vozačke dozvole i potvrde o objavi nestanka vozačke dozvole u Službenom glasniku Bosne i Hercegovine državljanin Bosne i Hercegovine podnosi zahtjev za donošenje rješenja o poništenju vozačke dozvole na propisanom obrascu: MP-7 OBR.BR.7. Obrazac je moguće preuzeti u prostorijama Sektora za građanska stanja u mjestu izdavanja vozačke dozvole ili na internet prezentaciji Ministarstva unutrašnjih poslova Kantona Sarajevo, odnosno na sljedećem linku:
https://mup.ks.gov.ba/sites/mup.ks.gov.ba/files/iso_standard_-_zahtjev_za_ponistenje_vd_up_7.pdf



5. Nakon preuzimanja rješenja o poništenju vozačke dozvole, državljanin Bosne i Hercegovine sa primjerkom rješenja državljanin se obraća lokaciji za izdavanje ličnih dokumenata u mjestu prijavljenog prebivališta i podnosi zahtjev za zamjenu vozačke dozvole u skladu sa važećim propisima.

6. Ako državljanin kome je iz razloga nestanka izdata nova vozačka dozvola, naknadno dođe u posjed ranije izdate vozačke dozvole, dužan je da tu vozačku dozvolu odmah preda najbližem Ministarstvu unutrašnjih poslova u Bosni i Hercegovini.

Napominjemo da su u skladu sa odredbama Zakona o upravnom postupku državljani Bosne i Hercegovine sve priloge uz podneske nadležnim organima u Federaciji Bosne i Hercegovine koji nisu na jezicima i pismima naroda u Bosni i Hercegovini (Bosanski, Hrvatski, Srpski - Latinica ili Ćirilica) dužni dostaviti u originalu i priloženom prijevodu ovlaštenog sudskog tumača za jezik i pismo na kojem su isprave sačinjene.



Adresa: Sarajevo, La Benevolencije 16
Tel: + 387 (0)33 286-701, 286-702,
Fax: + 387 (0)33 226-445
Web: <http://mup.ks.gov.ba>, Email: ministar@mup.ks.gov.ba